

Atuisartoqarnermut Unammilleqatigiinnermullu Aqutsisoqarfik inatsisilerisunik 1 – 2-nik – sullissisumik naammagittaalliuuteqartarnermilu allatseqarfiup pisortaanik inuttassarsiorpoq

Atuisartoqarnermut Unammilleqatigiinnermullu Aqutsisoqarfiup inuussutissarsiornermut immikkoortortaminut inatsisilerisunik marlunnik angusarissaarnissamik pingaartitsisunik naleqqussallaqqittunillu inuttassarsiorpoq.

Atorfimmi inatsisitigut sullissineq, siunnersuineq, ilitersuineq, inatsisilerinermik suliaqarneq, ingerlatsivinnik allanik suleqateqarneq, aamma ataqatigiissaarineq suliaassaapput. Inatsisitigut sullissinermik misilittagaqartunik suleqatissarsiorpugut. Sungiussiassaait, piumassuseqassaait, inuiaqatigiinni suliaqarusussuseqassaait, suliaasanillu aaqqiissuteqariinngitsunik suliaqarsinnaassaait. Suliassanik nutaanik tiguisinnaassaait - sulianilu ajornarsinnaasuni misilittagaqarfiginngisanilu aaqqiissuteqarsinnaassaait.

Taakku ilagalugit ulloq ulapaarfiusumi amerlasuunillu suliaassaqarfiusumi sulisinnaassaait. Suliati unittuunnginnissaat anguniarlugu pilersarusiorsinnaanissat, aaqqiissuussinnaallutillu pingaarnersiuisinnaassaait, eqeersimaassaait aaqqiissutinillu ujartuisinnaassaait.

Siunnersortit pisortaatut atorfinitsitaanissamik piumasaqaait naammassineqarpata naammagittaalliuuteqartarnermi allatseqarfiup pisortaatut atorfinitsitsisoqarsinnaavoq, misilittakkalli apeqqutaatillugit immikkut siunnersortitut atorfinitsitsisoqarsinnaavoq.

Suliffik pillugu

Maalaaruteqartarfitsinni qitiusumik atorfinissaait, oqartussaasutut ineriartortitsinermilu suliaqarnermik akisussaafeqassallutit. Naammagittaalliuuteqartarnermi allatseqarfiup pisortaatut ataqatigiissaarisutut atorfinissaait, suliniutinillu aqutsisuussallutit. Sullissisutut soqutigisatit misilittakkatillu naapertorlugit suliassanik assigiinngitsunik suliaassaqaait. Saniatigut aqutsisoqarfimmi suliassat assigiinngitsut suliarinissaanut piareersimassaait..

Suliassatit ilaatigut tassaapput:

- Inatsisilerinermi suliaqarneq oqartussaasunullu allanut suleqateqarneq
- Inatsisitigut ataqatigiissaarineq
- Sullissineq
- Ilinniartitsineq
- Suliniutinut aqutsineq aamma/ imaluunniit suliniutinut peqataanek
- Immikkoortunik oqartussaasunillu allanik ataqatigiissaarineq
- Inatsisitigut suliassat allat

Piginnaassutsit piumasaqaatigineqartut:

Inatsisilerisutut kandidatitut ilinniagaqarneq cand.jur. imaluunniit cand.merc.jur., tulluuttunilu ataatsimik arlalinniluunniit misilittagaqarneq:

- Oqartussaasumit allamit sullissinermik misilittagaqarneq
- Suliffeqarfimmi naalakkersuinikkut aqunneqartumi, naalakkersuinikkullu aalajangiiniartarnermi suleriaatsinik misilittagaqarneq imaluunniit ilisimasaqarneq.
- Suliniuteqarnermik, inatsisilerinermik sullissinermilu soqutigisaqarneq misilittagaqarnerlu
- Attaveqallaqqissoq, allakkatigut oqaatitsigullu suliassanik pisariusunik nassuiaallaqqissoq
- Namminersorsinnaasoq aaqqiissuteqarusuttoq, suliassanut suliniutinullu annernik suliaqarluarsinnaasoq

- Suliassaminut sungiussiasoq, peqqissaartoq misissueqqissaartartorlu
- Sungiussialluni, peqqissaarluni, misissueqqissaarlunilu suliaqartartoq
- Qallunaatut tuluttullu oqallorisssoq
- Aalajangiisinnaassuseqartoq
- Inunnik oqaloqateqarluarsinnaasoq

Aqutsisoqarfik pillugu

Pisortatut oqartussaavugut, qitiusumillu inatsisilerineq aningaasalerinerlu suliarisarlugit.

Ukiumut suliat 600 800-llu akornanni suliarisarpagut, saniatigullu ingerlatsiviillu allat

suleqatigalugit suliniutinut ikiusarluta, inatsisiliornermillu suliaqartarluta.

Suliffeqarfiuvugut angusaqarluarusuttut aaqqissuussaalluartumillu sulisartut,

suleqatigiinneq, akisussaaffeqarneq, kinaassutsimillu assigiinngiiaarneq pingaartippagut.

Suliffiuvugut tatiginnittut, ataaqqinnittut oqaluukkuminartullu.

Neqeroorutigagut:

- Atorfimmi annertuumik akisussaaffeqarneq, allannguissamullu periarfissaqarneq
- Suliffeqarfik pilerinartoq, suliffimmilu oqaloqatigiissinnaaneq, ataaqqinninneqarneq tatiginninneqarnerlu
- Suliffeqarfik tamatigoortoq pissanganartorlu, nunatsinnut nunanullu tamalaanut aallussineq
- Kisivit inatsisilerisuunavianngilatit, inatsisilerituullu misilittagaqarluartut akornaniissaatit

Paasissutissat allat:

Atorfik pillugu annertunerusumik paasisaqarusukkuut, Aqutsisoqarfimmi Pisortaq Kristina

Nordby oqarasuaatikkut +299 539452 imaluunniit e-mailikkut krno@nanoq.gl

attavigisinnaavat.

Qinnuteqaat:

CV misilitsinnermilu allagartat attuumassuteqartut qinnuteqaammi ilanngunneqassapput.

Qinnuteqarnissamik piffissarititaq: 14. aggusti 2026 nal. 12:00.

Oqaloqatigiinnerit ingerlaavartumik ingerlanneqarumaarput, piaarnerpaamillu

atorfinititsisoqassalluni.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi

soraarnermilu angalanissamut akiliunneqarnissamut pisattallu nassiunneqarnerannut

Kalaallit Nunaanni Namminersorlutik Oqartussat kattuffiullu

isumaqatiginniarsinnaatitaasup attuumassuteqarfigisap akornanni isumaqatigiissutaasut

atorfininnerup nalaani atuuttut naapertorlugit ingerlanneqassapput.

Qinnuteqartoq uppernarsaatitalinnik piginnaasalik immikkut siunnersortitut, siunnersortit

pisortaatut siunnersortaanertulluunniit isumaqatigiissutit naapertorlugit

atorfinititsineqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq

Namminersorlutik Oqartussani atorfeqarnermini sulisutut ineqartinneqareersimaguni

sulisutut ineqarsinnaatitaanini tigummiinnarsinnaavaa. Atorfimmut atatillugu ini

atorfeqarnermut tunngavoq, taamaalilluni atorfeqarnerup unitsinnerani

qimanneqassalluni.